



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Articuli 30. Ioannis Hus, damnati anno 1418. in Concil. Constantiensi Ses.
45. Tom. 29. Concil. Regiorum pag. 620.

urn:nbn:de:hbz:466:1-42634

41. Non est de necessitate salutis credere Romanam Ecclesiam esse supremam inter alias Ecclesias.

42. Fatuum est credere Indulgentiis Papæ & Episcoporum.

43. Juramenta illicita sunt, quæ fiunt ad corroborandos humanos contractus & commercia civilia.

44. Augustinus, Benedictus & Bernardus damnati sunt, nisi pœnituerint de hoc, quod habuerunt possessiones, & instituerunt & intraverunt Religiones: & sic à Papa usque ad ultimum Religiosum omnes sunt hæretici.

45. Omnes Religiones indifferenter introductæ sunt à diabolo.

Alphonsus de Castro ad huc alias is subjungit
 11 Articuli 30. Ioannis Hus, damnati anno 1418.
 in Concil. Constantiensi Ses. 45.

Tom. 29. Concil. Reginorum pag. 620.

1. **U**Nica est sancta universalis Ecclesia; quæ est prædestinatorum universitas.

2. Paulus nunquam fuit membrum diaboli, licet fecit quosdam actus actibus Ecclesiæ malignantium confimiles.

3. Præsciti non sunt partes Ecclesiæ, cum nulla pars ejus finaliter excidet ab ea, eò quod prædestinationis charitas, quæ ipsam ligat, non excidet.

4. Duæ naturæ, Divinitas & humanitas, sunt unus Christus.

5. Præscitus, etsi aliquando est in gratia secundum præsentem justitiam, tamen nunquam est pars S. Ecclesiæ: & prædestinatus semper manet membrum Ecclesiæ, licet aliquando excidat à gratia adventitia, sed non à gratia prædestinationis.

6. Sumendo Ecclesiam pro convocatione prædestinato-

stinato-

Minatorum, siue fuerint in gratia siue non secundum presentem iustitiam, isto modo Ecclesia est articulus fidei.

7. Petrus non est nec fuit caput Ecclesie S. Catholice.

8. Sacerdotes quomodolibet criminose viventes Sacerdotii polluunt potestatem; & sic ut filii infideles sentiunt infideliter de 7. Sacramentis Ecclesie, de clavibus, officiis, censuris, moribus, ceremoniis & sacris rebus Ecclesie, veneratione Reliquiarum, Indulgentiis & Ordinibus.

9. Papalis dignitas a Cæsare inolevit, & Papæ perfectio & institutio a Cæsaris potentia emanavit.

10. Nullus sine revelatione assereret rationabiliter de se vel alio, quod esset caput Ecclesie particularis, nec Romanus Pontifex est caput Romanæ Ecclesie particularis.

11. Non oportet credere, quod iste, quicumque est Romanus Pontifex, sit caput cuiuscumque particularis Ecclesie Sanctæ, nisi Deus eum prædestinaverit.

12. Nemo gerit vicem Christi vel Petri, nisi sequatur eum in moribus, cum nulla alia sequela sit pertinentior, nec aliter recipiat a Deo procuratoriam potestatem, quia ad illud officium Vicariatus requiritur & morum conformitas & instituentis auctoritas.

13. Papa non est verus & manifestus successor Apostolorum Principis Petri, si vivit moribus contrariis Petro, & si quærit avaritiam, tunc est Vicarius Judæ Scarioth. Et pari evidentiâ Cardinales non sunt veri & manifesti Successores Collegii aliorum Apostolorum Christi, nisi vixerint more Apostolorum, servantes mandata & consilia Domini nostri JESU Christi.

14. Doctores ponentes quòd aliquis per censuram Ecclesiasticam emendandus, si corrigi noluerit, sæculari iudicio est tradendus, pro certo sequuntur in hoc Pontifices, Scribas & Phariseos, qui Christum non volentem eis obedire in omnibus, dicentes, *nobis non licet interficere quenquam*, ipsum sæculari iudicio tradiderunt: & quòd tales sint homicidæ graviores quàm Pilatus.

15. Obedientia Ecclesiastica est obedientia secundum adinventionem Sacerdotum Ecclesiæ, præter expressam auctoritatem Scripturæ.

16. Divisio immediata humanorum operum est, quòd sunt vel virtuosa vel vitiosa, quia si homo est vitiosus & agit quicquam, tunc agit vitiosè; & si est virtuosus & agit quicquam, tunc agit virtuosè: quia sicut vitium, quod crimen dicitur seu mortale peccatum, inficit universaliter actus hominis vitiosi, sic virtus vivificat omnes actus hominis virtuosi.

17. Sacerdotes Christi viventes secundum legem eius & habentes Scripturæ notitiam & effectum ad ædificandum populum, debent prædicare non obstante prætensâ excommunicatione. Quòd si Papa vel aliquis Prælatus mandat Sacerdoti sic disposito non prædicare, non debet subditus obedire.

18. Quilibet prædicantis officium de mandato accipit, qui ad Sacerdotium accedit, & illud mandatum debet exequi, prætensâ excommunicatione non obstante.

19. Per censuras Ecclesiasticas excommunicationis, suspensionis & interdicti ad sui exaltationem Clerus populum laicalem sibi suppeditat, avaritiam multiplicat, malitiam protegit & viam præparat Anti-Christo. Signum autem evidens est, quòd ab Anti-Christo tales procedunt censuræ, quas vocant in suis processibus fulminationes, quibus Clerus prin-

principalissimè procedit contra illos, qui denudant nequitiam Anti-Christi, qui Clerum pro se maximè usurpabit.

20. Si Papa est malus, & præsertim si est præscitus, tunc ut Judas apostolus est diaboli, fur & filius perditionis, & non est caput S. militantis Ecclesiæ, cum nec sit membrum ejus.

21. Gratia prædestinationis est vinculum, quo corpus Ecclesiæ & quodlibet ejus membrum jungitur Christo capiti insolubiliter.

22. Papa vel Prælatus malus & præscitus est æquivocè Pastor, & verè fur & latro.

23. Papa non debet dici Sanctissimus, etiam secundum officium, quia aliàs Rex deberet etiam dici Sanctissimus secundum officium; & tortores & præcones dicerentur sancti, imò etiam diabolus deberet dici sanctus, cum sit Officiarius Dei.

24. Si Papa vivat Christo contrariè, etiam si ascenderet per ritam & legitimam electionem secundum Constitutionem humanam vulgatam, tamen aliunde ascenderet quàm per Christum, dato etiam quòd intraret per electionem à Deo principaliter factam: nam Judas Scariotes rite & legitimè est electus à Deo Christo JESU ad Episcopatum, & tamen ascendit aliunde ad ovile ovium.

25. Condemnatio 45. artic. Joannis Wicleff per Doctores facta est irrationabilis & iniqua & malè facta, & ficta est causa per eos allegata, videlicet ex eo, quòd nullus eorum sit Catholicus, sed quilibet eorum aut est hæreticus aut erroneus aut scandalosus.

26. Non eo ipso, quo Electores vel major pars eorum consenserit vivâ voce secundum ritus hominum in personam aliquam, eo ipso illa persona est legitimè electa, vel eo ipso est verus & manifestus Successor vel Vicarius Petri Apostoli vel alterius Apostoli

stoli in officio Ecclesiastico : unde siue Electores bene siue malè elegerint , operibus electi debemus credere , nam eo ipso , quo quis copiosius operatur meritorie ad profectum Ecclesiæ , habet à Deo ad hoc copiosius facultatem.

27. Non est scintilla apparentiæ , quòd oporteat esse unum caput in Spiritualibus regens Ecclesiam , quòd semper cum Ecclesia ipsa militante conuersetur & conseruetur.

28. Christus sine talibus monstruosis capitibus per suos veraces Discipulos sparfos per orbem terrarum melius suam Ecclesiam regularet.

29. Apostoli & fideles Sacerdotes Domini strenuè in necessariis ad salutem regularunt Ecclesiam , antequam Papæ officium foret introductum : sic facerent deficiente per summè possibile Papà usque ad diem iudicii.

30. Nullus est Dominus civilis , nullus est Prælatus , nullus est Episcopus , dum est in peccato mortali.

32 *Articuli 41. Martini Lutheri , anno 1520. damnati à Leone X. per Bullam , Exurge Domine &c. Tom. 1. Bullarii apud Cherubinum pag. 451.*

1. **H**Æretica sententia est , sed usitata , Sacramenta novæ legis justificantem gratiam illis dare , qui non ponunt obicem.

2. In puero post baptismum negare remanens peccatum , est Paulum & Christum simul conculcare.

3. Fomes peccati , etiamsi nullum adsit actuale peccatum , moratur exeuntem à corpore animam ab ingressu coeli.

4. Imperfecta charitas morituri fert secum necessariè